

Broj: 01/I-11-3-3030-2/16

Datum: 29.11.2016. godine

Na osnovu čl. 70. stav(4) i 69. stav(2) pod e) Zakona o javnim nabavkama ("Službeni glasnik BiH", broj 39/14 - u daljem tekstu: Zakon o javnim nabavkama) i Prijedloga direktoru Zavoda zdravstvenog osiguranja i reosiguranja Federacije Bosne i Hercegovine za donošenje odluke o poništenju, iz Zapisnika o pregledu i ocjeni ponuda za postupak nabavke lijeka INN entecavir, tablete 0,5 mg i 1 mg, broj: 01/I-11-3-2972-2/16 od 29.11.2016. godine, utvrđenog/izrađenog od strane Komisije za predmetnu nabavku imenovane Rješenjem ovog Zavoda broj: 01/I-11-3-2340-2/16 od 05.09.2016.godine, direktor Zavoda zdravstvenog osiguranja i reosiguranja Federacije Bosne i Hercegovine, kao Ugovornog organa, d o n o s i

O d l u k u o poništenju

Otvoreni postupak javne nabavke lijeka INN entecavir, tablete 0,5 mg i 1 mg, za koji je objavljeno Obavještenje o nabavci br. 804-1-1-42-3-45/16, na Portalu javnih nabavki dana 23.09.2016.godine, i sažetak objavljen u "Službenom glasniku BiH", broj: 73/16 od 30.09.2016. godine, **okončava se poništenjem, iz razloga što je cijena prihvatljive ponude znatno veća od osiguranih sredstava za predmetnu nabavku** (član 69. stav(2) pod e) Zakona o javnim nabavkama).

O b r a z l o ž e n j e

Zavod zdravstvenog osiguranja i reosiguranja Federacije Bosne i Hercegovine, sa adresom Trg Heroja 14, Sarajevo (fax: 033 610-275, tel.: 033 728-700, e-mail adresa: 2fedzzo@for.com.ba), kao Ugovorni organ, proveo je otvoreni postupak javne nabavke lijeka INN entecavir, tablete 0,5 mg i 1 mg, za koji je objavljeno Obavještenje o nabavci br. 804-1-1-42-3-45/16, na Portalu javnih nabavki dana 23.09.2016.godine, i sažetak objavljen u "Službenom glasniku BiH", broj: 73/16 od 30.09.2016. godine (u daljem tekstu: Obavještenje o nabavci), a saglasno odredbama navedenog Obavještenja o nabavci i Tenderske dokumentacije za provođenje otvorenog postupka za dodjelu ugovora o nabavci odnosno isporuci lijeka INN entecavir, tablete 0,5 mg i 1 mg, broj: 01/I-11-3-2341-3/16 od 23.09.2016. godine (u daljem tekstu: Tenderska dokumentacija).

U navedenom postupku izvršena je analiza traženih i dostavljenih dokumenata na osnovu kojih se utvrđuje postoje li razlozi isključenja ponuđača (obavezni razlozi i ako je primjenjivo ostali razlozi isključenja), analiza prihvatljivosti ponuda prema obliku, sadržaju i potpunosti, analiza ponuda vezano uz ispunjenje zahtjeva u pogledu opisa predmeta nabavke, tehničkih specifikacija, analiza prihvatljivih ponuda prema kriteriju za izbor ponude i rangiranje prihvatljivih ponuda prema kriteriju za izbor ponude, te je utvrđeno da ponuđač PHOENIX Pharma D.O.O. BIJELJINA, ispunjava sve kvalifikacione uslove predviđene Tenderskom dokumentacijom, i da je dostavljena ponuda prihvatljiva prema obliku, sadržaju i potpunosti, i da ispunjava zahtjeve u pogledu opisa predmeta nabavke i tehničkih specifikacija.

Također, utvrđeno je da je ponuda ponuđača PHOENIX Pharma D.O.O. BIJELJINA, u iznosu od 1.952.980,00 KM (bez PDV-a) odnosno 2.281.500,00 KM (sa PDV-om), za 1.153.079,60 KM veća od ukupnih budžetskih sredstava osiguranih za nabavku svih lijekova za liječenje hepatitisa C i B, u 2017.-oj godini.

Kako je, u postupku pregleda i ocjene ponude utvrđeno da je ponuda ponuđača PHOENIX Pharma D.O.O. BIJELJINA, u iznosu od 1.952.980,00 KM (bez PDV-a), znatno veća od osiguranih sredstava za predmetnu javnu nabavku, donesena je odluka o poništenju kao u dispozitivu.

Pouka o pravnom lijeku: Saglasno odredbama člana 101. Zakona o javnim nabavkama ponudilac ima pravo izjaviti žalbu, u pisanoj formi, ovom Zavodu, kao Ugovornom organu, u roku od (10) deset dana od dana prijema ove odluke.

D I R E K T O R

Agić Novka, dipl. ecc.

Dostavljeno:

1. PHOENIX Pharma D.O.O. BIJELJINA
2. U dokumentaciju predmetne javne nabavke